

«ԳԹՈՒԹՅԱՆ ԽՈՇԱՆՈՑ»
ԾՐԱԳԻՐ

1.	Ծրագրի նպատակը	Հայաստանում ստեղծված սոցիալ-տնտեսական բարդ իրավիճակով պայմանավորված, որն առավել վատթարացավ կորոնավիրուսի վարակի տարածմամբ և հետպատերազմյան ճգնաժամով՝ սույն ծրագրի իրականացումը կարևոր դեր կխաղա Երևան քաղաքում կարիքավոր ընտանիքների սոցիալական լարվածության թեթևացման խնդրում: Ծրագրի հիմնական նպատակներն են՝ • Նվազեցնել ծրագրում ընդգրկված շահառուների՝ Արցախից տեղահանված, սիրիահայ ներգաղթյալ և Երևան համայնքի հաշմանդամություն ունեցող, ծնողազուրկ և սոցիալապես անապահով անձանց սոցիալական խոցելիությունը՝ նրանց օրական մեկ անգամ տաք, բարձր կալորիականությամբ սնունդ տրամադրելով: • Նպաստել նրանց հոգեբանական վիճակի բարելավմանը՝ ստեղծելով պայմաններ՝ միմյանց հետ շփվելու, հաղորդակցվելու և առօրյա հոգսերից մի փոքր կտրվելու համար: Սոցիալապես անապահով, տեղաշարժման դժվարություններ ունեցող տարեցների և հաշմանդամություն ունեցող անձանց սոցիալ-հոգեբանական վիճակի թեթևացման նպատակով «Գթության խոհանոց» ծրագրի շրջանակներում գործում է նաև «Տնային խնամք» ենթածրագիրը:
2.	Ծրագրի բարեգործական որակման նպատակը	Ծրագրի բարեգործական որակման նպատակն է օրենքով սահմանված կարգով օգտվել Հայաստանի Հանրապետության հարկերի, տուրքերի, պարտադիր վճարների գծով արտոնություններից՝ համաձայն Բարեգործության մասին ՀՀ օրենքի 16-րդ հոդվածի առաջին և երկրորդ մասերի:
3.	Բարեգործը	Գերմանական Կարմիր խաչի Բադեն-Վյուրտեմբերգի երկրամասային կազմակերպություն, Գերմանիայի Օստալբի շրջան, «Գթության խոհանոց» Շվեբիշ-Գմյունդ ընկերական շրջան (անհատ բարերարներ) և «Գթության խոհանոց» Երևանի ընկերական շրջան (անհատ բարերարներ)
4.	Ծրագիրը կատարողը	«Հուսո տուն բարեգործական կենտրոն» հիմնադրամ ՀՀ, ք. Երևան, Քանաքեռ-Զեյթուն վարչական շրջան, Դրոյի փ. 22/5, 0069, ՀՎՀՀ՝ 00903591
5.	Ծրագրի իրականացման վայրը և բնագավառը	Ծրագիրն իրականացվելու է Երևան քաղաքում, բնագավառը՝ սոցիալական:
6.	Ծրագրի բյուջեն	143,883,000 (մեկ հարյուր քառասուններեք միլիոն ութ հարյուր ութսուններեք հազար) դրամ:

7. Բարեգործություն ստացողը	«Գթության խոհանոց» ծրագրի շահառուներն են Արցախից տեղահանված, սիրիահայ ներգաղթյալ և Երևանի Էրեբունի ու Քանաքեռ-Զեյթուն վարչական շրջանների հաշմանդամություն ունեցող, ծնողագուրկ, և սոցիալապես անապահով անձինք: Ծրագրի շահառուներն ընտրվում են ըստ վերոնշյալ վարչական շրջանների կողմից ներկայացված ցուցակների, ինչպես նաև Արցախից տեղահանված և Երևան քաղաքում բնակվող անձանց շրջանում մեր կողմից անցկացված կարիքների գնահատման արդյունքում: «Տնային խնամք» ենթածրագրի շահառուներն են Քանաքեռ-Զեյթուն վարչական շրջանում ապրող սոցիալապես անապահով, տեղաշարժման դժվարություններ ունեցող տարեցներ և հաշմանդամություն ունեցող ընդհանուր առմամբ 68 անձ՝ հետագայում մինչև 100 ավելացման հնարավորությամբ, ովքեր ծրագրում ընդգրկվում են վարչական շրջանի Սոցիալական աջակցության տարածքային բաժնի հետ համագործակցությամբ:
8. Ծրագրի իրականացման տևողությունը	Ծրագրի կմեկնարկի 2021թ. ապրիլ 1-ին և կավարտվի 2025 դեկտեմբերի 30-ին:
9. Միջոցառումների նկարագրությունը և ժամկետները, անհրաժեշտ ֆինանսական միջոցների ծավալը	Ծրագրի շրջանակներում առաջին տարում 4 ամիս, իսկ հաջորդ տարիների ընթացքում տարեկան 6 ամիս (երկու եռամսյակ)՝ յուրաքանչյուր աշխատանքային օր, շուրջ 250 շահառու կստանա բարձր կալորիականությամբ տաք սնունդ: Ընդհանուր առմամբ՝ ծրագրի շրջանակներում կպատրաստվի և կբաշխվի շուրջ 154,000 ճաշաբաժին: Մեկ ճաշաբաժնի արժեքը կկազմի շուրջ 934.3 դրամ, իսկ ընդհանուր ծախսը՝ 143,883,000 (մեկ հարյուր քառասուններեք միլիոն ութ հարյուր ութսուններեք հազար) դրամ, որն իր մեջ ներառում է ստորև բերվող միջոցառումների ինչպես նաև 10 և 11 կետերում նշված բոլոր ծախսերը: Ծրագրի շրջանակում շահառուների համար նախատեսվում է կազմակերպել սոցիալական և մշակութային միջոցառումներ, մասնավորապես՝ Ծրագրի ամենամյա մեկնարկն ազդարարող տոնական միջոցառում (կատարման ժամկետները՝ 2021, 2022, 2023, 2024 և 2025 թթ-ի հոկտեմբեր), անհրաժեշտ միջոցներ՝ յուրաքանչյուր տարի 250,000 (երկու հարյուր հիսուն հազար) դրամ): Ամանորի և Սուրբ Ծննդյան տոնական միջոցառում (կատարման ժամկետները՝ 2021, 2022, 2023, 2024 և 2025 թթ-ի դեկտեմբեր), անհրաժեշտ միջոցներ՝ յուրաքանչյուր տարի 250,000 (երկու հարյուր հիսուն հազար) դրամ): Կանանց միջազգային օրվան նվիրված միջոցառում (կատարման ժամկետները՝ 2022, 2023, 2024 և 2025 թթ-ի մարտ), անհրաժեշտ միջոցներ՝ յուրաքանչյուր տարի 250,000 (երկու հարյուր հիսուն հազար) դրամ): Սուրբ Զատիկի տոնին նվիրված միջոցառում (կատարման ժամկետները՝ 2021, 2022, 2023, 2024 և 2025 թթ-ի մարտ կամ ապրիլ), անհրաժեշտ միջոցներ՝ յուրաքանչյուր տարի 250,000 (երկու հարյուր հիսուն հազար) դրամ):

		Ծրագրի հերթական շրջանի ավարտի կապակցությամբ տոնական միջոցառում (կատարման ժամկետները՝ 2021, 2022, 2023, 2024 և 2025 թթ-ի ապրիլ), անհրաժեշտ միջոցներ՝ յուրաքանչյուր տարի 250,000 (երկու հարյուր հիսուն հազար) դրամ: «Տնային խնամք» ենթաձրագիրը շուրջտարյա է, և շահառուները բացի սոցիալ-հոգեբանական աջակցությունից «Գթության խոհանոց» ծրագրի ողջ ընթացքում ստանում են տաք կալորիականությամբ հարուստ ճաշ:
10.	Ձեռքբերվող ապրանքների ու ծառայությունների համառոտ նկարագիրը, ծավալները և նախատեսվող գինը	Մսնդի գումար (հաշվարկված է միջինում 2,758,928 դրամ*28 ամիս (ամսական շուրջ 5500 ճաշաբաժին) – 77,250,000 (յոթնասուներեք միլիոն երկու հարյուր հիսուն հազար) դրամ: Նախատեսվում է ձեռք բերել շուրջ 50 անուն սննդամթերք: Կոմունալ ծախսեր (հաշվարկված է միջինում 250,000 դրամ * 57 ամիս) – 14,250,000 (տասնչորս միլիոն երկու հարյուր հազար) դրամ: Գույքի ձեռքբերում, շենքի, տարածքի և սարքավորումների սպասարկում ((սառնարաններ, սառցեխցիկներ, գազօջախներ և այլն) (հաշվարկված է միջինում 200,000 դրամ * 57 ամիս)) – 11,400,000 (տասնմեկ միլիոն չորս հարյուր հազար) դրամ: Առողիտորական ծախս (հաշվարկված է միջինում 635,000 դրամ * 5 տարի) – 3,175,000 (երեք միլիոն մեկ հարյուր յոթանասուներեք հազար) դրամ: Տնտեսական պարագաներ (հաշվարկված է միջինում 60,000 դրամ * 57 ամիս) – 3,420,000 դրամ (երեք միլիոն չորս հարյուր քսան հազար) դրամ: Գրասենյակային պարագաների ձեռքբերում (հաշվարկված է միջինում 15,000 դրամ * 57 ամիս) – 855,000 (ութ հարյուր հիսունհինգ հազար) դրամ: Շարժամիջոցների պահպանման, սպասարկման և վառելիքի ծախսեր (հաշվարկված է միջինում 85,000 դրամ * 3 մեքենա * 57 ամիս) – 14,535,000 (տասնչորս միլիոն հինգ հարյուր երեսունհինգ հազար) դրամ:
11.	Ծրագրի իրականացման հետ կապված կազմակերպական ծախսերը	Աշխատավարձ (հաշվարկված է միջինում 135,700 դրամ * 5 աշխատակից * 28 ամիս) – 18,998,000 (տասնութ միլիոն ինը հարյուր ինսուներութ հազար) դրամ: Առողիտորական ծախս (հաշվարկված է միջինում 635,000 դրամ * 5 տարի) – 3,175,000 (երեք միլիոն մեկ հարյուր յոթանասուներեք հազար) դրամ: Գրասենյակային պարագաների ձեռքբերում (հաշվարկված է միջինում 15,000 դրամ * 57 ամիս) – 855,000 (ութ հարյուր հիսունհինգ հազար) դրամ: Շարժամիջոցների պահպանման, սպասարկման և վառելիքի ծախսեր (հաշվարկված է միջինում 85,000 դրամ * 3 մեքենա * 57 ամիս) – 14,535,000 (տասնչորս միլիոն հինգ հարյուր երեսունհինգ հազար) դրամ:

12.	Համագործակցությունը պետական կառավարման, տեղական ինքնակառավարման մարմինների, այլ կազմակերպությունների հետ	Ծրագիրը կիրականացվի Երևանի քաղաքապետարանի, Քանաքեռ-Զեյթուն և Էրեբունի վարչական շրջանների հետ համագործակցությամբ: Վերոնշյալ վարչական շրջանները սույն ծրագրի իրականացման համար ամեն տարի կտրամադրեն շահառուների ցուցակները: Իսկ Էրեբունի վարչական շրջանը կտրամադրի նաև ծրագրի պահանջներին համապատասխան արտագնա սպասարկման կետ, որտեղ կիրականացվի սննդի բաշխումը:
13.	Ծրագրի արդյունավետության նկատմամբ վերահսկողության մեխանիզմների նկարագրությունը	Ծրագրի շրջանակներում իրականացվելու է բազմաշերտ վերահսկողություն «Հուսո տուն բարեգործական կենտրոն» հիմնադրամի կողմից: Ծրագիրը կլինի նաև հիմնադրամի Հոգաբարձուների խորհրդի մշտադիտարկման ներքո, որին կներկայացվեն եռամսյակային հաշվետվությունները: Ծրագրի իրականացման ընթացքը կվերահսկվի Երևանի քաղաքապետարանի և վերոնշյալ վարչական շրջանների կողմից: Ծրագրի վերաբերյալ Բարեգործական ծրագրերի համակարգման խորհրդակցական հանձնաժողովին կներկայացվեն տեղեկություններ՝ ՀՀ կառավարության 2003 թ.-ի հունվարի 16-ի N 66-Ն որոշմամբ հաստատված Բարեգործական ծրագրերը բարեգործական որակելու և գրանցելու կարգի 25-րդ կետով սահմանված կարգով:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱՊԵՏ

Տ. ԱՎԻՆՅԱՆ